

Broj: 04-34-3-2887-1/21  
Mostar, 23. 9. 2021. godine

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), člana 3. Budžeta Federacije Bosne i Hercegovine za 2021. godinu („Službene novine Federacije BiH“, broj 4/21) i Odluke o usvajanju programa utroška sredstava s kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2021. godinu Federalnom ministarstvu obrazovanja i nauke („Službene novine Federacije BiH“, broj 27/21), sekretar Federalnog ministarstva obrazovanja i nauke, po ovlaštenju Vlade Federacije Bosne i Hercegovine, V. broj: 676/2021 od 22.04.2021. godine, r a s p i s u j e

### JAVNI POZIV

**za odabir programa i projekata iz oblasti proširenog studentskog standarda, koji će se financirati/sufinancirati iz Budžeta Federacije Bosne i Hercegovine za 2021. godinu**

#### I

Predmet Javnog poziva je odabir programa i projekata iz oblasti proširenog studentskog standarda, koji će se financirati/sufinancirati iz Budžeta Federacije Bosne i Hercegovine za 2021. godinu, a odnosi se na:

1. **Podsticaj školovanju Roma, državljana Bosne i Hercegovine s prebivalištem na području Federacije Bosne i Hercegovine, koji studiraju na javnim visokoškolskim ustanovama u Bosni i Hercegovini.**
2. **Podrška studentima s invaliditetom, državljanima Bosne i Hercegovine s prebivalištem na području Federacije Bosne i Hercegovine, koji studiraju na javnim visokoškolskim ustanovama u Bosni i Hercegovini.**

#### II

Odlukom o usvajanju Programa utroška sredstava s kriterijima raspodjele sredstava tekućih transfera Federalnog ministarstva obrazovanja i nauke utvrđenih Budžetom Federacije Bosne i Hercegovine za 2021. godinu, za dodjelu podrške i podsticaja pojedinim programima i projektima utvrđuju se slijedeći kriteriji:

**1. Podsticaj školovanju Roma, državljana Bosne i Hercegovine s prebivalištem na području Federacije BiH, koji studiraju na javnim visokoškolskim ustanovama u Bosni i Hercegovini:**

- podnosilac prijave mora biti student upisan u akademsku 2021/2022. godinu, koji ima prebivalište na prostoru Federacije Bosne i Hercegovine i koji studira na javnim visokoškolskim ustanovama u Bosni i Hercegovini
- podnosilac/teljica prijave nije ponavljao/la aktualnu akademsku godinu osim u slučaju bolovanja ili liječenja dužeg od tri mjeseca, za šta je potrebno dostaviti ovjerene dokaze.

*Napomena: Podsticaj se dodjeljuje u jednokratnom godišnjem iznosu, studentima koji su upisali akademsku 2021/2022. godinu, u skladu s raspoloživim sredstvima Federalnog ministarstva obrazovanja i nauke.*

*Odobrena sredstva uplatit će se na račun podnosioca pozitivno riješene prijave.*

**2. Podrška studentima s invaliditetom, državljanima Bosne i Hercegovine s prebivalištem na području Federacije Bosne i Hercegovine, koji studiraju na javnim visokoškolskim ustanovama u Bosni i Hercegovini:**

- Podnosilac prijave mora biti student upisan u akademsku 2021/2022. godinu koji ima prebivalište na prostoru Federacije Bosne i Hercegovine i koji studira na nekoj od javnih visokoškolskih ustanova u Bosni i Hercegovini



- Podnosilac prijave mora imati invalidnost utvrđenu rješenjem nadležnog organa ili potpisanu i službenim pečatom ovjerenu potvrdu Ureda za podršku studentima s posebni potrebama/invaliditetom VŠU na kojoj studiraju, s obrazloženjem
- U slučaju da obnavlja godinu, podnosilac prijave treba priložiti dokaz da je obnavljanje godine posljedica liječenja u vezi s invaliditetom uz potpisanu i službenim pečatom ovjerenu potvrdu Ureda za podršku studentima s posebnim potrebama/invaliditetom VŠU na kojoj studiraju, s obrazloženjem.

*Napomena: Podsticaj se dodjeljuje u jednokratnom godišnjem iznosu, studentima koji su upisali akademsku 2021/2022.godinu, u skladu s raspoloživim sredstvima Federalnog ministarstva obrazovanja i nauke.*

*Odobrena sredstva uplatit će se na račun podnosioca pozitivno riješene prijave.*

### III

Podrška za programe i projekte u oblasti studentskog standarda iz tačke I ovog Javnog poziva dodijelit će se samo onim podnosiocima prijave koji: a) zadovoljavaju kriterije i o tome prilože odgovarajuće dokaze; b) su opravdali eventualno dodijeljena sredstva od strane Federalnog ministarstva obrazovanja i nauke u prethodnim godinama.

### IV

Sredstva za financiranje/sufinanciranje programa i projekata iz tačke I ovog Javnog poziva dodjeljivat će se u skladu s Odlukom o usvajanju Programu utroška sredstava s kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2021. godinu Federalnog ministarstva obrazovanja i nauke.

### V

Za provođenje Javnog poziva te izradu prijedloga za dodjelu sredstava, zadužena je nadležna komisija Federalnog ministarstva obrazovanja i nauke.

Sačinjeni prijedlog Komisije bit će upućen na usvajanje, nakon čega će rezultati Javnog poziva biti objavljeni na službenoj web stranici Ministarstva: [www.fmon.gov.ba](http://www.fmon.gov.ba).

### VI

Prijava se podnosi na odgovarajućem prijavnom obrascu, koji se može preuzeti na navedenoj službenoj web stranici Ministarstva.

Uz uredno popunjenu i potpisanu prijavu, podnositelj je obavezan priložiti dokumentaciju navedenu na drugoj stranici odgovarajućeg obrasca.

Prijavu sa svim priložima u dva istovjetna primjerka treba dostaviti na adresu:

**Federalno ministarstvo obrazovanja i nauke,**

**Dr. Ante Starčevića bb**

**88000 Mostar**

**s obaveznom napomenom:**

**«Prijava na Javni poziv za odabir programa i projekata iz oblasti studentskog standarda»**

**Krajnji rok za podnošenje prijave je 05.11.2021. godine.**

**Nepotpune, neuredne i neblagovremene prijave neće se uzeti u razmatranje.**

Po ovlaštenju Vlade Federacije Bosne i Hercegovine

**SEKRETAR MINISTARSTVA**

**mr. sc. Alden Kajtaž**